



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU NEZAVISNE LISTE

Broj: 03-07-6-337/19
Sarajevo, 23.03.2020. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI	5
5.2 PREPORUKE.....	6

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Nezavisne liste za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Nezavisna lista prekršila odredbe člana 4. stav (1) i člana 12. stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Nezavisne liste za 2018. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Nezavisna lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	24,00	0,23
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	10.504,00	99,77
8.	Prihodi od propagande (3-g)	0,00	0,00
I	Ukupni prihodi (1-8)	10.528,00	100,00
II	Ostali prihodi i drugo	0,00	0,00
	Izvori finansiranja (I+II)	10.528,00	100,00

U godišnjem finansijskom izvještaju stranka je iskazala rashode u ukupnom iznosu od 6.806,00 KM.

2. PREDSTAVLJANJE POLITIČKE STRANKE

Naziv političke stranke je Nezavisna lista. Skraćeni naziv je NL.

Nezavisna lista registrovana je kod Općinskog suda u Travniku, rješenjem broj: 051-0-F1-16-000 002 od 17.05.2016. godine.

Sjedište političke stranke je u Bugojnu, Kulina Bana 1/411¹.

Lice ovlašteno za zastupanje stranke je Samir Šečić, predsjednik stranke.

Ovlašteno lice za finansijske izvještaje za 2018. godinu je Samir Šečić.

Prema podacima iz godišnjeg finansijskog izvještaja za 2018. godinu, Nezavisna lista nema niže organizacione dijelove stranke.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Nezavisne liste za 2018. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

¹ Dana 25.09.2019. godine Nezavisna lista je obavijestila Centralnu izbornu komisiju Bosne i Hercegovine da je adresa za prijem pošte stranke: Hendek 7/II, Bugojno.

Obim pregleda i kontrole finansijskih izvještaja Nezavisne liste obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja Nezavisne liste izvršeni su za 2016. i 2017. godinu, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2017. godinu, izdat je Izvještaj o pregledu sa mišljenjem revizora, nalazima i preporukama stranci da vodi potpune i tačne evidencije o svojim prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa odredbama Pravilnika o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Nezavisna lista nije ispoštovala sve preporuke.

5. NALAZI I PREPORUKE

5.1 NALAZI

a) Nezavisna lista prekršila je odredbe člana 4. stav (1) Zakona o finansiranju političkih stranaka².

Uvidom u Program utroška finansijskih sredstava za 2018. godinu, utvrđeno je da je Nezavisna lista planirala rashode u ukupnom iznosu od 4.800,00 KM, i to: troškove zakupnine u iznosu od 3.600,00 KM, troškove bankarskih usluga u iznosu od 200,00 KM i ostale troškove u iznosu od 1.000,00 KM.

Pregledom godišnjeg finansijskog izvještaja utvrđeno je da je Nezavisna lista u 2018. godini ostvarila ukupne rashode u iznosu od 5.306,00 KM, što je za 506,00 KM više u odnosu na planirane troškove.

Takođe, utvrđeno je i da stranka nije u Programu utroška sredstava za 2018. godinu planirala troškove ugovora o djelu, dok je iste ostvarila u iznosu od 1.103,00 KM.

S obzirom da je Nezavisna lista sredstva utrošila mimo utvrđenog Programa utroška finansijskih sredstava za 2018. godinu, prekršila je odredbe člana 4. stav (1) Zakona o finansiranju političkih stranaka.

b) Nezavisna lista prekršila je odredbe člana 12. stav (4) Zakona o finansiranju političkih stranaka.

Pregledom godišnjeg finansijskog izvještaja za 2018. godinu, utvrđeno je da Nezavisna lista nije pravilno iskazala rashode u obrascima 4 (rashodi političke stranke) i 4.1 (režijsko-administrativni i ostali troškovi) godišnjeg finansijskog izvještaja za 2018. godinu, čime je prekršila odredbe člana 12. stav (4) Zakona o finansiranju političkih stranaka i čl. 21. i 22. Pravilnika o godišnjim finansijskim izvještajima političkih stranaka.

Naime, Nezavisna lista je u godišnjem finansijskom izvještaju iskazala ukupne rashode u iznosu od 6.806,00 KM, dok je u poslovnim knjigama i Bilansu uspjeha za period 01.01.-31.12.2018. godine iskazala rashode u ukupnom iznosu od 5.306,00 KM.

Uvidom u poslovne knjige utvrđeno je da stranka nije ostvarila rashode prethodnih godina u iznosu od 1.500,00 KM, dok je iste iskazala u obrascima 4 i 4.1 godišnjeg finansijskog izvještaja.

² U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

5.2 PREPORUKE

Preporučuje se Nezavisnoj listi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa utvrđenim programom utroška sredstava i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Nezavisna lista nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić